

**LOKE CU TABATA UN
PREOCUPACION Y DISCUSION
E ISLANAN A SALI AFO DEN UN
FORMA ELEGANTE AFO Y YEGA
NA OTRO**



WWW.SOLODIPUEBLO.COM



SOLODIPUEBLO@GMAIL.COM

**Parlamentario Edgard Vrolijk:
A INSTITUI DOS PERSONA
DI CADA ISLA PA CUMINSA
CANA CU E TRABOUNAN RIBA
GESCHILLENREGELING**



**Relaciona cu situacion tenso den nos
region entre Merca y Venezuela
PUEBLO DI Ariba TA SINTI
FALTA DI LIDERAZGO Y
TRANSPARENCIA: CON BON
PREPARA NOS TA?**

**EVELYN WEVER-CROES
Y XIOMARA MADURO
DEN PROGRAMA
INTERES DI PUEBLO
DIASABRA**

**Transparencia cu wowo riba futuro
CAFT TA BISHITA HOH:
TEMA DI CUIDO Y
CONSTRUCCION CENTRAL**



LOKE CU TABATA UN PREOCUPACION Y DISCUSION E ISLANAN A SALI AFO DEN UN FORMA ELEGANTE AFO Y YEGA NA OTRO



Pa mas di 10 pa 15 aña e islanan di Aruba, Corsou y St Maarten ta en busca pa tin derechonan a traves di geschillenregeling cu por determina na momento cu tin problema con lo mester atende cu esaki den Reino Hulandes.

Sinembargo e geschillenregeling nunca no a keda cristalisa, pero

den e reunion ultimo Hulanda a indica na e islanan pa nan mes traha e concepto di ley.

Parlamentario Endy Croes ta indica cu e tres islanan a traha hunto riba un concepto ley y e ley a cuminsa cana su caminda, pero durante di e reunion di Tripartiet na Babylon Hotel Hulanda

tin algun pensamiento nan di algun correspondencia nan cu falta claridad y pa e motibo aki mes a palabra cu lo instrui e comision bek unda cu cada pais tin participacion den dje y e comision su tarea ta pa bay determina kico realmente falta.

Sinembargo parlamentario Endy Croes ta indica cu

e ley a cuminsa cana su caminda caba y loke cu tabata un preocupacion y discusion e islanan a Sali afo den un forma elegante.

Berdad ta cu e punto a trece tension riba mesa, pero e realidad ta tambe cu tur e islanan a muestra cu banda di e tension cu tin a busca un solucion na mesa y na final di e reunion a

Sali cu e solucion. Parlamentario Endy Croes ta kere cu e proceso ta den un bon caminda awo lo mester duna e proceso chens pa cana su caminda y tambe e comision instrui lo cuminsa haci su trabou di awo pa november y asina den cuminsamento di otro aña tin un claridad rond di loke cu tabata falta.

EVELYN WEVER-CROES Y XIOMARA MADURO DEN PROGRAMA INTERES DI PUEBLO DIASABRA

Diasabra 28 sept invitadonan pa e programa di radio INTERES DI PUEBLO na Radio Top FM 95, lo ta Evelyn Wever-Croes y Xiomara Maduro.

Durante e programa nan lo elabora riba e ultimo desaroyonan den nos pais. Costo di bida, estructura salarial di meastronan, falta di liderazgo y vision, ley di Reino HOFA.

Tambe nan lo coregi e informacion incorrecto cu gobernantenan y integrantenan di AVP y Futuro ta comparti. Un otro topico ta e debate cu Evelyn Wever-Croes a reta Mike Eman.

No perde e programa diasabra 11.00 am pa 1.00 pm na Radio Top FM 95.



Parlamentario Edgard Vrolijk: A INSTITUI DOS PERSONA DI CADA ISLA PA CUMINSA CANA CU E TRABOUNAN RIBA GESCHILLENREGELING



Islanan di Corsou, St. Maarten y Aruba a reuni den reunion di Tripartite na Babylon Hotel na Hulanda a trata diferente puntonan pero tambe ta para keto un rato pa asina mira e posibilidad nan con por coopera y trata otro diferente ampliando e cooperacion entre e islanan Corsou, St Maarten y Aruba, pero amplia esaki den Caribe tambe.

Parlamentario Edgard Vrolijk ta kere cu esaki ta necesario mirando tur e movecionnan cu tin rond mundo. Banda cu kier amplia cooperacion tambe a trata e geschillenregeling y a debati riba e parti aki y lo sigui profundisa den e tema aki. Tambe a institui bek e werkgroep pa monitoria con tur cos ta cana. Parlamentario Edgard Vrolijk ta indica cu e geschillenregeling ta na Raad van State y pa ora cu e geschillenregeling bin bek e islanan ta prepara pa mira e conseho y dependiendo con e conseho bin pa mira si lo mester ahusta of no. Sinembargo cada cambio lo keda haci hunto cu e otro islanan.

E comision cu a keda institui ta 2 persona di Aruba,

Corsou y St maarten y e grupo aki ta cuminsa cu e trabounan cu tin riba mesa. E grupo aki ta bira un grupo di conseho pa loke ta trata e ley di geschillenregeling y asina ta bon prepara como e tres islanan den Caribe y na mes momento e nanishinan ta apunta den e mes un direccion pa e geschillenregeling por pasa den Tweedekamer.

Aruba, Corsou y St Maarten ta entrega e ley, pero e decision ta den man di e Hulandes unda cu 150 parlamentario Hulandes den Tweede Kamer lo mester bay vota pa e ley. Parlamentario Edgard Vrolijk ta indica cu e peso como pais nan den Reino Hulandes mester ta uni, e tres islanan aki a trek e ley di geschillenregeling y hunto lo por logra esaki despues di 15 aña.

E trayecto di geschillenregeling a cuminsa na 2010 na momento cu den Tweede Kamer na Hulanda a pasa un amienda unda cu articulo 12A di Statuto a bisa cu mester bin cu un geschillenregeling. Despues di esaki Hulanda a tuma e iniciativa den esaki, pero e geschillenregeling no tabata conforme cual cu ta e palabracionnan cu a wordo

haci debi cu e mester ta un organo independiente. Sinembargo loke cu tabata pesa mas hopi ta e conseho mester ta bindend, e mester ta mara. Segun parlamentario Edgard Vrolijk den e parti aki esun cu perde mester acepta y aki ta caminda e discordia ta entre e islanan y Hulanda.

Na mes momento Hulanda ta indica cu e geschillenregeling no mester ta bindend, pero e conseho mester ta asina bon

pa e islanan por desvia di e ley. E parti aki ta e punto dicon e geschillenregeling no a pasa y Eerste Kamer a ratifica tambe cu e ley cu a ser entrega door di Hulanda no ta cumpli cu e criterionan cu a ser fiha pa un geschillenregeling.

Despues di a cambia e concepto di ley awo e ta cumpli como un organo independiente y naturalmente Raad van State mes cu ta esun cu ta mira e situacion aki mas di



cerca y despues di esaki e conseho cu ta sali ta bindend pa e islanan pero tambe pa Hulanda.



**E forsa di Aruba
ta su hendenan cu ta
duna bida, balor, y pasion
na nos isla digno di cuida
y proteha.**

Danki na e esfuerso di TUR
cu stima Aruba.

Feliz Dia Di Turismo!



INAUGURACION OFICIAL DI FACILIDAD NOBO PA ANIMAL CONTROL DEPARTMENT (ACD)

Oranjestad, 19 di september 2025 – Ministerio di Salubridad Publico a inaugura oficialmente e facilidad nobo di Animal Control Department (ACD), un paso importante den direccion di un sistema di maneho y control di animalnan mas organisa, responsabel y sigur na Aruba.

ACD lo fungi como un centro di coordinacion y implementacion di regulacionnan relaciona cu bienestar y seguridad di animalnan. E facilidad nobo ta brinda mas capacidad pa traha cu eficiencia, pa salvaguardia salubridad publico y pa mantene orden den nos barionan.


Ademas di su rol den regulacion, ACD ta sigui dedica na orientacion y conscientisacion di comunidad riba cuidu y propiedad responsabel di mascota.

Ministerio di Salubridad Publico ta expresa su gratitud na tur esnan cu a contribui na e logro importante aki.



Minister Wyatt-Ras a indica: “Hunto nos por construi un Aruba caminda ley, comunidad y respet pa animalnan ta bay man den man.”

CANDELANAN DEN MADRUGA BANDA DI CORTE Y CAS DI PARTIDO A.V.P.



Diabierna madrugada a drenta informenan di candela banda di edificio di corte y tambe banda di cas di partido A.V.P., mesora a despacha un unidad di bombero banda di edificio di corte.

Na yegada di bombero ya caba e candela a ser paga pa adictonan ambulante mes, di eynan bomberonan a bay na cas di partido y a topa cu un candela chikito y a cuminsa combatie pero



na nos yegada ya nan a keda cla.

Partido MEP

ACCION DI FIRMA TA CONTINUA!

Accion di firma ta continua AWE DIABIERNNA 26 sept, na Cede di MEP entre 5or pm y 7or pm.

Diasabra nos mester manda e firmanan cu tin caba adelanta, y lo sigui cu e accion di firma te dia e debate tuma luga den Parlamento.

Si abo tin formulario, of si bo kier pa bo bos participa den e ‘internet consultatie’ esaki ta e ultimo oportunidad: awe diabierna entre 5or y 7or.

Si bo no logra, por trece nan otro siman na Cede.

Di antemano masha danki





FELIZ DIA DI TURISMO

BAN CUIDA NOS FUTURO HUNTO



Relaciona cu situacion tenso den nos region entre Merca y Venezuela

PUEBLO DI Ariba ta sinti falta di liderazgo y transparencia: con bon prepara nos ta?



NoticiaCla

noticia cu bo por confia

FRONT PAGE POLITICA LOCAL INTERNACIONAL DEPORTE ENGLISH OPINION **LIVE**

[nos.cla tropical den Caribe Tropical](#) [Ray Willem-Alexander ta ricibi participantenan di IPKO na Palestina](#) [Enter email address](#) [Subscribe](#)



[X Post](#) [Recommend](#) [Share](#)

Comandante Liebreghs: Venezuela ta representa un menasa serio pa islanan ABC

Posted on 09/23/2025 9:02 am AST | Updated on 09/23/2025 9:21 am AST

DEN HAAG - Harold Liebreghs, e Comandante di Forzanan Maritimo Hulandes nobo, ta adverti cu Venezuela ta representa un amensu serio pa islanan ABC (Aruba, Bonaire, Corsou). E ta bisa abiertamente cu for di Venezuela por tira riba Aruba... y cu Venezuela por tuma islanan ABC facil si nan pone un tiki esfuerso

aden. Asina e portal [dagelijkse standaard](#) ta raporta. E ta zona dramático, y realidad ta asina tambe. Pasobra mientras hopi politico i medio ta concentra riba Rusia, e amensu den nos mes region Caribeña ta hopi mas serio – cu consecuencia directo pa nos islanan amiguo.

E SITUACION ACTUAL DI NOS DEFENSA DEN CARIBE

Segun Liebreghs, Marina Real tin capacidad pa defende e islanan – pero e mes ta ricibi den caso di un atake grandi e capacidad ta “difícil.” Pa pone claro: Den esei nos ta perde.

Esaki ta trece e pregunta: nos ta realmente prepara defensivamente? Tin suficiente medio, tropa i suministronan pa duna resistencia ora mester? Of nos ta confia demasiado riba diplomacia i speranza?

E siman aki e medio di comunicacion Noticia Cla a publica un entrevista cu Commandant di Marina Hulandes, Harold Liebregs, cu a adverti abiertamente cu Venezuela ta forma un peligro serio pa e islanan ABC, y cu Aruba ta vulnerabel.

Di parti di Gobierno di Aruba mes no ta duna ningun informacion, y esey ta haci e sentimento di duda y inseguridad aun mas grandi. Basa riba e noticia aki Fraccion di MEP a haci preguntanan oficial na e Prome Minister Mike Eman riba e situacion preocupante di siguridad cu ta menasa nos isla.

“Nos ta hopi preocupa, no solamente pa siguridad di nos pueblo, pero tambe pa nos economia y turismo. Aruba ta un isla cu ta depende hopi di confiansa di nos bishitante, y cada señal di inestabilidad tin consecuencia directo pa nos futuro.

E mas preocupante ta cu apesar cu e Prome Minister a priminti Parlamento pa tene Parlamento na altura, e no a cumpli cu e promesa. Te awor gobierno ta keda completamente silencioso, mientras tension den region ta subi dia pa dia, y sin cu tin ningun plan.



STATEN VAN ARUBA

Fractie Movimiento Electoral di Pueblo

Aan de Voorzitter van de Staten van Aruba
dhr. A.M. Sneek
L.G. Smith Blvd 72
Alhier

**Betreft: 13-tal Schriftelijke vragen aan minister Mike Eman inzake veiligheidssituatie ABC-
eilanden en dreiging vanuit Venezuela**

Oranjestad, 24 september 2025

Geachte Voorzitter,

Ondergetekende verzoekt u de volgende vragen door te geleiden naar Minister Eman op grond van artikel III.17 van onze Staatsregeling, alsmede artikel 59 van het Reglement van Orde van de Staten.

Ondergetekende zou graag de antwoorden schriftelijk binnen twee (2) weken willen ontvangen.

Hoogachtend,

Fractie MEP
Evelyn Weyer-Croes

STATEN VAN ARUBA
Fractie Movimiento Electoral di Pueblo

Het persbericht van Noticia Cla d.d. 23 september 2025 (bijlage) verklaart Commandant der Zeestrijdkrachten Liebregh dat Venezuela een ernstige dreiging voorstelt voor de ABC eilanden. Naar aanleiding hiervan stel ik de volgende vragen:

1. Waarom heeft de Minister-President, ondanks zijn toezegging in het seniorenconvent van 21 augustus j.l., de Staten tot op heden niet geïnformeerd over de actuele veiligheidsdreiging vanuit Venezuela?
2. Is de regering op de hoogte van de recente waarschuwingen van Commandant der Zeestrijdkrachten Liebregh?
3. Hoe beoordeelt de regering deze dreiging?
4. Kan de Minister-President toelichten hoe groot het risico wordt ingeschat dat Venezuela daadwerkelijk militaire actie onderneemt richting de ABC-eilanden, en specifiek Aruba?
5. Welke noodplannen bestaan er momenteel om de bevolking van Aruba te beschermen in geval van een militaire escalatie?
6. Hoe wordt er samengewerkt met de Koninklijke Marine en de Nederlandse Defensie om de veiligheid van Aruba te garanderen?
7. Zijn er afspraken gemaakt over versterking van de militaire capaciteit in het Caribisch gebied?
8. Op welke wijze zal de regering zorgdragen voor tijdige en transparante crisiscommunicatie richting de bevolking bij een verhoogde dreiging of directe aanval?
9. Welke diplomatieke stappen heeft de regering reeds gezet richting Venezuela en internationale partners om de spanningen te verminderen en escalatie te voorkomen?
10. Welke inschatting heeft de regering gemaakt over de mogelijke gevolgen van deze dreiging voor het toerisme op Aruba?
11. Welke maatregelen worden genomen om het vertrouwen van bezoekers te behouden?
12. Op welke wijze wordt er samengewerkt met Curaçao en Bonaire, en eventueel andere Caribische partners, om gezamenlijke veiligheids- en noodmaatregelen te treffen?
13. Kan de Minister-President toezeggen dat de Staten voortaan tijdig, volledig en structureel zullen worden geïnformeerd over veiligheidsdreigingen die onze nationale veiligheid en economie direct raken?

Ik zie uw spoedige en volledige beantwoording van bovenstaande vervolgvragen binnen uiterlijk twee weken tegemoet.

Hoogachtend,

Evelyn Wever-Croes
Lid van de Staten van Aruba

Nos pueblo merece claridad y liderazgo. Nos ta mira un falta total di direccion y un gobierno cu tin hopi problema pa enfrenta realidad. Aruba no por sigui den un situacion caminda no ta duna informacion y no ta duna cara. Nos a urgi Gobierno pa presenta su plan di emergencia pa proteha nos pueblo. Tambe pa informa mas detaya cu ta posibel, con grandi e riesgo real ta pa Aruba. Y nos a urgi gobierno pa duna transparencia na nos pueblo y na nos bishitantenan riba con nos ta prepara pa cualquier eventualidad.

Liderazgo tin cu wordo demostra den tempo di crisis, no den silencio. E silencio di e Prome Minister ta crea mas miedo y mas inseguridad. Aruba y su pueblo ta merece hopi miho.

Nos ta spera di haya contesta pronto”, lider di Fraccion di MEP Evelyn Wever-Croes a informa.

**NA DAKOTA UN MUCHA DI 2 AÑA A COBA DEN
SU ORA CU SPAGHETTI TE SANGR'E**

Diabierna merdia a drenta informe di cu un mucha di apenas 2 año a cobra den su orea cu spaghetti te sangra esaki, mesora a dirigi un ambulans na e sitio.

Na yegada di e ambulans a nota cu su orea
ta sangrando y a tuma e mucha bay hospital
mesora.



CAFT: "SIGUIENDO CU REFORMANAN, TA TENE CUIDO PAGABEL"

Oranjestad – Desde 2023, Aruba ta realizando surplusnan, y anualmente e pais ta amortizando debe. Hunto cu e crecimiento economico, esaki ta pone cu e ratio di debe ta baha rapidamente. Na mes momento, e fundeshi ainda ta vulnerabel: e gastonan di interes ta keda sumamente alto y debi na e envehecimento di poblacion den futuro e gastonan di cuidado lo forma un parti tur biaha mas grandi di e presupuesto. Ademá, CAft ta señala riesgonan respecto di e hospital. Reformanan ta keda necesario pa salvaguardia sostenibilidad di finanzas gubernamental.

Cuido na prueba di futuro

CAft ta constata cu riba algun area di cuidado, Aruba ta muestra desaroyonan positivo. Por ehemplo, a reduci e ratio di cuidado di 8,7 por ciento di e producto nacional bruto (bbp) na 2023. Control di e gastonan di cuidado si ta keda importante considerando e hecho cu poblacion lo sigui enbehece. Den e marco aki, ta positivo cu AZV ta trahando riba e adopcion di un perspectiva riba termino largo y e aplicacion di un marco di gastonan multianual como instrumento di control.

Aruba ta implementa reformanan manera a ser inclui den e acuerdo di cuidado. Den e contexto aki, e enfasis ta riba alivio di cuidado hospitalario

fortaleciendo e funcion di gatekeeper di dokternan di cas, y promocion di prevencion. Na mes momento, mester di maneho pa acomoda e demanda creciente pa cuidado a largo plaso. Actualmente, e gastonan pa cuidado di hende grandi ainda ta limita, pero debi na e envehecimento di poblacion, lo tin tur biaha mas demanda di cuidado. P'esey, ta necesario pa haci escogencianan desde awor cu ta yuda tene cuidado pagabel y na prueba di futuro.

Den combersacionnan cu varios partido, a menciona e deficiencianan den e edificio di hospital. Si no haya solucion, tin riesgo cu cuidado ta keda perhudica. Considerando e funcion di cuidado vital, ta importante pa tur partido asumi nan responsabilidad, y yega na un enfoque conhunto tocante di e asunto aki mas pronto posibel.

Drecha e fundeshi

A pesar cu desde 2023, Aruba ta realizando surplusnan y e ratio di debe ta baha rapidamente, e gastonan di interes ainda ta pisa hopi; actualmente, 16 por ciento di e presupuesto ta dedica na interes. P'esey, reduccion di debe ta keda esencial, y ademá ta crea espacio den e presupuesto pa reformanan den cuidado. Den e marco aki, CAft ta hala atencion riba e exceso di mas cu AWG 500 mion cerca AZV y Sociale Verzekeringsbank cu por emplea (parcialmente)

pa amortizacion di debe, teniendo na cuenta e obligacion legal pa tene un reserva.

Banda di esaki, CAft ta muestra riba e importancia di supervision y maneho mas estricto di entidadnan gubernamental. Den e marco aki, elaboracion di un politica di participacionnan y dividendo ta un



precondicion. Ademá, bon corporate governance implementacion rapido di ta esencial.



VACATURE

BIJ COLEGIO EPI
SCHOOLJAAR 25-26



Draag bij aan de toekomst. Inspireer de volgende generatie!

De Minister van Koninkrijksrelaties, Onderwijs, Jeugd, Innovatie en Sport, als bevoegd gezag van de Dienst Publieke Scholen, nodigt enthousiaste professionals uit om te solliciteren op onderstaande functies bij Colegio Profesional Intermedio (EPI) voor het schooljaar 2025-2026.

Vacature Unit Ciencia & Tecnologia

Docent ICT

Wat breng je mee?
Vereisten:

- Als docent: minimaal 2^e graads onderwijsbevoegdheid of gelijkwaardig ICT-diploma met aantoonbare praktijkervaring;
- Uitstekende beheersing van de instructietaal (Nederlands en Engels);
- Theoretische kennis en aantoonbare praktijkervaring in Cyber Security;
- Praktijkervaring in het bedrijfsleven is een pré;
- Je stelt de student altijd centraal.

Jouw profiel:

- Professionele werkhouding en verantwoordelijkheidsgevoel;
- Sterke didactische vaardigheden en pedagogisch inzicht;
- Samenwerking- en communicatieve vaardigheden;
- Vaardigheid in het begeleiden van praktijkopdrachten en stages;
- Flexibel en open voor innovatie binnen het beroepsonderwijs;
- Ervaren met digitale leermiddelen en technologie.

Wat bieden we jou?
Een uitdagende omgeving binnen het beroepsonderwijs, waarin je bijdraagt aan de ontwikkeling van jonge professionals. De arbeidsvoorwaarden zijn conform het Landsbesluit Bezoldiging Onderwijspersoneel, de Landsverordening Materieel Ambtenarenrecht en Landsverordening Vakantie en Vrijstelling van Dienst Ambtenaren.

Geïnteresseerd?
Stuur je sollicitatiebrief, voorzien van een CV en kopieën van diploma's, binnen 2 weken na het verschijnen van deze vacature naar: ✉ sollicitatie@dps.aw met een cc naar hr@epiaruba.com t.a.v. Het Bevoegd Gezag - Minister van Koninkrijksrelaties, Onderwijs, Jeugd, Innovatie en Sport, d.t.k.v. Managementteam Dienst Publieke Scholen, J.F.K. Education Center, Stadionweg 37.

Vragen?

Voor meer informatie kun je contact opnemen met de HR-afdeling van Colegio EPI:

☎ +(297)525 8726 / 746 ✉ hr@epiaruba.com

PREMIER EMAN CREANDO CONEXION CU PROVINCIA DI GRONINGEN PA ENERGIA Y DESAROYO SOSTENIBEL PA ARUBA



Durante un bishita oficial na Groningen, Prome Minister di Aruba, mr. Mike Eman, a tene reunionnan clave cu Staatssecretaris di Asunto Interno, Eddie van Marum, y cu autoridadnan local y regional. E encuentro tabata enfoca riba colaboracion riba e tema di seguridad alimentario, transicion energetico y diversificacion economico, prioridadnan esencial pa futuro di Aruba.

E reunion a destaca

paralelonan historico y social cu ta existi entre Aruba y Groningen: dos comunidadnan cu, apesar di e distancia geografico for di Den Haag como capital politico, ta comparti un mesun lucha pa logra un bos fuerte den Reino y pa defende interesnan local. Van Marum e subraya cu no mester mira esaki como un obstaculo, sino como un motivacion pa fortifica e cooperacion.

Na Groningen, Commissaris di e Rey René Paas y Burgemeester

Roelien Kamminga a duna nan confiansa den direccion cu Gobierno di Aruba ta tuma. Nan a subraya cu e paso cu Aruba ta haci pa move pa un modelo mas sostenibel den energia y agricultura ta alinea perfecto cu e experiencia di Groningen riba mesun tereno.

E reunionnan a pone enfoke riba tres punto vital:

- **S e g u r i d a d Alimentario:** Aruba mester reduci nan dependencia for di importacion cu ta haci e isla vulnerabel.
- **Energia Sostenibel:** E paso cu Aruba ta tuma na transicion energetico ta refleha e lucha cu Groningen a supera.
- **Diversificacion Economico:** Gobierno ta traha pa un Aruba cu ta menos dependiente di turismo, preservando



su beneficio pero diversificando pa logra estabilidad structural.

Premier Eman a expresa gratitud pa e apertura cu Groningen a muestra y

a confirma cu Gobierno ta determina pa uza e relacionnan den Reino manera un motor pa oportunidad nobo pa nos pueblo.

ARUBA BANK TA HACI UN DONACION DI AWG 100,000 PA STICHTING KINDERHUIS IMELDAHOF COMO PARTI DI NAN 100 “YEARS LEGACY PROJECT”

Oranjestad, 26 di september, 2025 – Como parti di e celebracion di 100 aña di Aruba Bank, e banco a anuncia un donacion significativo di 100 mil florin pa Stichting Kinderhuis Imeldahof.

E fondo aki lo ser uza pa renoba e “Hall” historico di Imeldahof, cu tin un gran balor emocional y cultural pa nos comunidad.

E renobacion lo crea un espacio multifuncional y moderno cu ta sirbi pa:

- “Homeschooling” y enrikecimento academico
- Reunionnan di grupo y desaroyo di

habilidad nobo

- Tecnologia na disposicion cu laptop y proyector
 - Actividadnan recreativo y educativo
- Stichting Kinderhuis Imeldahof ta brinda cuido pa mucha den situacion vulnerabel for di 1954, y a crece como un centro specialisa pa guia y proteha nos muchanan.

“Aruba Bank ta honra di contribui na un institucion cu ta haci un impacto importante riba bida di nos muchanan. E legado di Imeldahof ta parti di nos historia, y cu e renobacion aki nos ta yuda preserva esey y mes momento inverti den futuro di educacion y



desaroyo di nos hubentud,” segun Aruba Bank. E donacion ta parti di nan “100 Years Legacy Project”, cu tin como meta pa sostene pilarnan importante manera Educacion, Apoyo di Hubentud y Perservacion Cultural.

Transparencia cu wowo riba futuro

CAFT TA BISHITA HOH: TEMA DI CUIDO Y CONSTRUCCION CENTRAL



Recientemente College Aruba Financieel Toezicht (CAFT) a haci un bishita na Horacio Oduber Hospital (HOH). Y e biaha aki a dialogo especificamente tabata riba e tema di cuido y e futuro di nos hospital.

"E biaha aki nos ta di bishita pa toca e tema di cuido y naturalmente hospital ta un parti hopi importante den esaki," segun Lidewijde Ongerling, presidente di CAFT. Ela papia cu hopi aprecio riba e entrega di e empleado: "Mi a haya un imagen hopi bunita y alabes impresionante di e dedicacion cu tin pa loke ta brinda calidad di cuido na e pashentnan. Y esaki, sigur mirando e circunstancianan cu no semper ta asina facil."

HOH tabata durante e bishita aki bon representa pa presidente di Junta di Directiva, Jacco Vroegop, hunto cu e e dos miembronan di directiva, esta Gregory Croeze y tambe Yuri Casseres. Ademas, tabatin tambe coleganan presente di diferente departamento cu a comparti nan experiencia y bista riba e practica diario y e retonan cu hospital ta enfrenta.

Jacco Vroegop a agrega: "Awe nos a pone un gran enfoke riba e retonan cu e construccion a y ta trece cune. Esaki ta un proyecto cu ta yegando su final, pero ainda tin algun cuestionnan financiero pa soluciona. Nos a enfatisa cu ta hopi importante pa yega na un solucion, pa finalmente tin un edificio



cu no solamente ta bunita di pafo, pero tambe ta safe y alabes mas importante ainda un luga cu ta haci posibel pa por brinda cuido di calidad."

Banda di e tema di construccion, tambe a papia di forma amplio riba e di cooperacion cu diferente partner na Aruba y tambe den region y tambe a toca e tema di cuido cu ta brinda na esnan indocumenta. "Den nos vision tur hende mester ricibi e mesun cuido di calidad, pero e ta trece cune retonan financiero," segun Vroegop.

CAFT a indica cu Aruba, specialmente den e sector di cuido, ta haciendo un bon trabou compara cu e otro islanan. Esaki sigur a yena hunta di directiva cu orguyo. Vroegop a enfatisa: "Lo mas importante cu por saca for di e reunion aki ta cu nos mester realisa hunto cu cuido nunca ta stop, y cu hospital mes ainda ta leu di termina. Y cu hunto nos mester inverti mas pa pone nos hospital riba nivel, pa asina por brinda e cuido cu comunidad ta desea y ta

spera di nos, y cu alabes e cuido por ta bon paso nos tin un edificio safe."

E dialogonan cu CAFT ta forma un paso importante den e direccion corecto: "Mi ta sinti cu nos a logra transmiti e mensahe desea, y cu esaki lo por

wordo hiba siguiyemente pa Minister di salubridad y tambe Minister-President di Aruba. Mi tin e speransa cu e proceso ta bay sigui cana e caminda necesario pa hunto nos por ta satisfecho di e dia di awe, pero alabes tambe orguyoso di nos futuro!"



Ambulans a bay oficina di Dimas pa un persona cu tabata scuma y bati curpa!



Diahuebs mainta a mesora a dirigi un drenta informe di cu un ambulans na e sitio. Na un persona tabata bati su yegada di e ambulans curpa y scuma dilanti mesora a recoge e persona oficina di Dimas na atende y a transporte pa Paardenbaaistraat, hospital.

Clasificados



SOLODIPUEBLO@GMAIL.COM
CEL. 585 9500



CROSSWORD

WORD SEARCH PUZZLE



1	2	3	4		5	6	7	8		9	10	11
12					13					14		
15					16					17		
				18					19			
20	21	22	23			24		25				
26					27		28					
29							30			31	32	33
				34			35					
36	37	38				39		40				
41					42		43					
44					45				46	47	48	49
50					51				52			
53					54				55			

1. Quick

5. Additionally

9. ____ Diego

12. Soft cheese

13. Cut grain

14. Pair

15. Intolerant of delay

17. Squeal

Down:

1. "X-Files" org.

2. Elbow's locale

3. Small drink

4. Iced ____

5. Opera song

6. Malicious looks

7. Golf hazard (2 wds.)

8. Make a choice

Gradicimento/invitacion

Na number di famianan nos kier a gradici tur es nan cu na un manera of otro a duna nos sosten, consuelo y forsa durante e tempo dificil cu fayecimento y entierio di nos defunto stima:



Sra. Vda Maxima E. Semeleer-Paesch
Cariñosamente yama "Shomina," Mamina"

Ta gradici tur dokter y asst. pa nan attention y bon cuido cu semper nan a brinda pa nos, na un y tur cu a yama, message y manda flor.
Tambe na Aurora funeral Home pa cu su bon servicio y atención.

Ta invita pa asisti na 3 Santo Sacrificio di Misa cual lo tuma lugar:
Parokia, St. Anna, Noord
-Diabierna 26 september 2025 6.30 pm
-Diadomingo 28 september 2025 6:00 pm
-Diaranson, 1 october 2025 6.30 pm y después di misa lo tin un rosario na cas.

DELEGACION DI ABB TA FIRMA UN CONTRACTO CU TA INCLUI ASPECTO DI BUENA CONDUCTA

Aruba Basketball Bond cu un tremendo iniciativa den cuadro di bon gobernansa



Diaranson anochi na YMCA San Nicolas a tuma lugar un anochi informativo organisa door di Aruba Basketball Bond (ABB) pa mayornan y atletanan di Seleccion U15 di Basketball cu lo ta biahando otro siman pa Sint Maarten pa e "Paradise Showdown".

Na e anochi informativo aki Presidente di Aruba Basektball Bond Sra. Jenneve James-Russell y Sr. Patrick Werleman di Comité Olimpico Arubano (COA) a reparti contractoo y tambe un "Code of Conduct" na cada hungado y mayornan. Tur cos den e contracto ta

conforme cu exigencia di Bon Gobernansa y tambe ley Arubano.

Tur hungado a bai di acuerdo cu e contracto y e Code of Conduct y hunto cu nan mayornan y directiva di Aruba Basketball Bond a firma esakinan bou supervision di Comité Olimpico Arubano. Ta bon pa menciona cu e entrenador y entrenador asistente tambe a firma nan debido contracto y Code of Conduct.

Un total di 11 pais cu ta forma 8 ekipo ta competi den e torneo aki. E islanan competiando ta: Aruba - Curacao - BESeilanden - St Kitts - Grenada - Anguilla - Sint Maarten Dutch side y French St Martin cu ta forma un team hunto cu St Barths. ABB ta orguyoso cu e logro importante aki




y ta desea nan atletanan tur clase di exito na Sint Maarten durante 4-8 di october venidero.

ABB ta gradici Sr Patrick Werleman pa su participacion na e anochi importante aki, unda el a duna splicacion di e importancia huridico


di e contracto y Code of Conduct. Ta imporanta pa remarca cu COA ta aplaudi e iniciativa aki di ABB, como ta muestra un compromiso di parti di e federacion pa inclui aspectonan di bon gobernansa den nan maneho y operacion. #TEAMARU

CHAUFFEUR CU A BAY SUBI CAMINDA NO A CALCULA BON E VELOCIDAD NI DISTANCIA Y A CAUSA UN ACCIDENTE



Diabierna mainta a drenta informe di un accidente na Schotlandstraat dilanti di Caribbean Bakery Supplies, mesora a dirigi un patruya na e sitio.


Na yegada di e patruya a bin compronde cu aki ta trata di un accidente unda e chauffeur di un Hyundai Tucson a bay sali for di e parkinglot pero no a calcula bon e



velocidad cu Hyundai Accent ta bini di pariba y esaki a dal e na e

parti patras di e Tucson. Afortunadamente ningun hende a resulta herida.


HOMBER COLOMBIANO DI 38 AÑA HAYA SIN BIDA DEN UN COMPLEHO DI APARTAMENTO NA BUBALI



Diahuebs anochi a drenta informe di cu tin un persona cu no ta duna señal di bida na un compleho di apartamento na Bubali, mesora a dirigi tanto polis como ambulans na e sitio. Na yegada di e patruya a bin

compronde cu despues di cu no ta haya contacto cu e persona di 38 aña a habri e apartamento y a bin haya e homber sin bida y a bati alarma. Na yegada di e ambulans a pidi pa e dokter forensico bini. Ora a contact e dokter

forensico esaki a pidi pa ambulans na e sitio yame y despues di algun control a bin saca afo cu e homber a fayece despues di un atake na curason. Na famia di e fayecido ta bay nos mas sincero palabranan di condolencia.



DAMA TURISTA DI 22 AÑA A CAY FLAUW NA LOCAL STORE NA PALM BEACH

Diabierna atardi a drenta informe di cu un dama turista di 22 aña lo a cay flauw na Local Store, mesora a dirigi un ambulans na e sitio. Na yegada di e ambulans nan a bin encontra cu e dama turista cu lo a cay flauw na e lugar y a hay'e bij y a hib'e den ambulans y nan a atende y transporte pa hospital.



SOLODIPUEBLO@GMAIL.COM
CEL. 585 9500



FORTALEZA PA FAMILIA

Scirbi pa Pastor Marcel Balootje.

TUR COS TA POSIBEL SI BO TIN FE DEN DIOS

E por zona manera un cantica, of un poesia, pero esey ta e gran berdad, tur cos ta posibel pa esnan cu ta kere den Dios Tata todopoderoso, pasobra riba e mundo aki, hende tin libertad pa kere den diferente cos, aunke nan sa masha bon cu ningun di e cosnan ey por compara cu Dios Tata Todopoderoso, pero nan ta gasta tempo, placa, y duna hasta adoracion, na idolatria, y pone fe den cosnan temporal.

Ta bo FE ta bo defensa.

Bo FE ta determina te na unda bo por yega.

No ta importa kico hende por bisa di bo, importante ta bo FE den Dios Todopoderoso.

FE ta algo sobrenatural cu por causa cambio den bo fisico (1 Samuel 1:11-19-20).

FE ta move man di Dios y man di Dios por move tur cos (Jeremias 32:27).

Tur hende por yena cu miedo y perde cabes den un familia, y hasta den un pais, pero si tin un hende cu FE y ta kere cu Dios por hacie, milagro lo sosode. (Isaias 37:14-20)

Un gran berdad si bo kier mira milager sosode cana cu hende cu tin FE (Marco 5:37,40-42).

Salbacion ta bini pa medio di FE den Cristo Hesus.

Sin FE ta imposibel agrada Dios.

Tin hende ta manera e discipulo Tomas (Juan 20:24-29) y hopi biaha si bo no fiha bo bista riba Dios tipo di hendenan asina, por trece tardansa den e proposito cu

bo tin dilanti di Dios..

Tene bon cuenta cu semper FE ta funciona den voluntad di Dios, nunca FE por sali for di voluntad di Dios, semper e ta keda conforme Su creacion, no conforme na capricho di hende.

Dios nunca ta kita algo for di un hende pa duna otro hende, Dios ta duna bo locual originalmente ta pertenece na abo.

Bo FE ta e confiansa cu bo ta pone den Dios, y cu no ta laga nada move bo for di bo meta. (Filipensenan 3:12-14).

Fe ta mas poderoso cu conocimiento di mundo, caminda ciencia y medicina ta bisa cu no por FE semper ta trece sorpresa.

Si bo tin Fe den Dios bo ta sali for cualquier tipo di adiccion, aunke hende ta bisa cu adiccion ta un malesa, pero tur cos ta posibel pa esun cu tin FE.

Igualmente si bo tin FE den Dios, alcohol y inmoralidad no por domina bo bida, bo Fe den Dios ta duna bo liberacion.


Tin hopi versiculo cu ta papia di FE, pa asina por convence hende den e poder y grandesa di Dios.

Nos mester proclama FE den Dios pasobra esey ta locual e Palabra di Dios ta siña nos, pa nos kere y permanece den dj'E.

E palabra di Dios ta bisa cu e señalnan aki lo sigi esnan cu ta kere, pero bo mester kere prome pa bo ricibi FE, pasobra bo FE mester ta den e yiu di Dios, manera (Marco 16:17-20) ta sinja nos.

Ora nos tin Fe den e Yiu di Dios nos por papia den Su nomber, pasobra e nomber di Cristo Hesus no ta cu-

alquier organizacion/instituto humano cu nos ta usa su nomber pa grandesa y poder, pero e nomber di Hesus Cristo ta e nomber riba tur nomber, pa cual



tur rudia mester dobla y tur lenga mester confesa cu Hesus Cristo ta Señor. Como mayor nos mester tin

FE den Dios Todopoderoso, pa asina nos yiunan tambe por mira grandesa di Dios den nos hogar.

AWE 27 DI SEPTEMBER, A NACE JOSMARIS CORANCIS TROMP DE PEREZ

Felicitacion di su esposo y su dos yiu nan Debora y Sara, y specialnente di su mama Maris."



SOPi DI LETRANAN

P	A	O	R	R	T	I	R	C
E	M	N	O	Y	A	I	R	T
N	D	D	S	N	N	N	R	C
T	R	I	A	N	G	L	E	T
A	U	A	O	L	L	S	S	E
G	E	M	G	V	E	U	S	E
O	A	O	C	T	A	G	O	N
N	T	N	T	I	R	L	D	F
A	T	D	H	E	P	T	A	G

SQUARE
MOON

DIAMOND
TRIANGLE

RECTANGLE
TRAPEZIUM

OVAL
CROSS

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	



Oracion di dia

Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.


Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.
Amen

NA ESNAN CU TA KERE DEN IMAGENNAN DI DIOSNAN FALSO, AMULETONAN Y TALISMANNAN

Tin hendenan conciente y inconciente, nan no sa loke ta di Dios y nan no sa loke ta bini di satanas den e creencianan di supersticion. Hendenan cu ta biba pa biba den pika, ta nan ta usa e sorto di creencianan den amuletonan y den talismannan ariba nan curpa y den nan cas. Hendenan sin fe ta usa tur sorto di amuletonan y talismannan den creencianan mistico, pa proteccion, pa suerte etc.. Nos mester comprende, cu den e culturanan bieuw, den Testament Bieuw e amuletonan y e talismannan tabata hopi usa den e pueblonan pagano. E hendenan den paganismo tabata usa e amuletonan, talismannan como “magic charms”. E hendenan pagano tabata usa talismannan grandi di satanas y tambe nan ta usa imahennan di diosnan falso den nan cas. Hendenan Cristian mester comprende bon, cu tur e sortonan di amuletonan y imahennan di diosnan falso ta bini di satanas, e.o imahen di dios falso di budda na cadena of na porta, imahen di olifant na muraya, imahen di dragon, creencia den spielnan na muraya of na porta, imagen di dios falso di inca's, di azteca's, di hindu, di egypcionan, creencia den colga aloe den cas of na porta, esnan cu ta pone furu diabolico den cas, creencia den suerte den hoof di cabay, esnan cu ta pone linja cora na man y na pia, creencia den boonchi como amuleto, amuleto den pata di konew, simbolo satanico den “devil horn”, e simbolo di pas satanico { crus boca abao kibra den circulo } riba t-shirt etc. etc.



Den Bijbel 2 Reynan 23: 24 ; “Rey Josias a keda conforme den tur e palabranan di e Ley scirbi den e buki, cu e sacerdote Hilkias a encontra den e tempel di Dios. Y tabata asina cu el a laga elimina tur esnan den spiritismo y na esnan den adivinonan, na esnan cu tin idolonan di diosnan falso den famianan y tur sorto di idolonan abominabel cu tabata ser haya den e pais di Huda y den Herusalem”. Nos mester comprende cu den e di Prome Mandamento di Dios Tata ta bisa: “Di stima y adora bo Senjor y bo Dios di henter bo curason, di henter bo alma, di henter bo ser, di henter bo sintir y mas cu tur cos den mundo.” Den e Mandamento di Dios Tata aki, ta prohibi hende di kere y di confia den tur e sorto di creencianan supersticionnan, di amuletonan, talismannan, imahen di diosnan falso etc. Hendenan cu tino mester comprende, cu ta den Dios so nos mester kere y confia nos destino

final, cu ta e Gloria Eterna. Y no den e creencianan den amuletonan, talismannan y simbolonan cu ta bin di satanas. Pasobra esnan cu tin e sorto di amuletonan y talismannan aki, e spiritonan diabolico ta keda rond di nan. Tur e creencianan paganonan aki, ta un pika grandi contra di Dios Su Prome Mandamento. Den Bijbel Apocalipsis 21: 6 – 8, {Revelacion di Huan}: “Tambe E'l a bisa mi: Ta cumpli! Mi ta Alfa y Omega, Principio y Fin. Esun cu tin sed, pornada lo Mi dun'e bebe di e fuente di e awa di bida. Esun cu triunfa lo hereda esaki y lo Mi ta Su Dios y e'l lo ta Mi yiu. Ma e cobardenan, e infielnan, e perversonan, e matadornan di hende, e fornicadornan, e sirbidornan di diosnan falso y tur e sakadornan di mentira, nan lugar ta den e tanki cu ta kima di candela y zwafel. Esaki ta e di dos morto.”

Un mensahero di Dios.

CLIENTE A HERA PORTA PASA DOOR DI GLAS CORTA SU CURPA!



Diahuebs merdia a drenta informe di cu un cliente a pasa door di glas na Bizbox y a corta su mes, mesora a dirigi un ambulans na e sitio. Na yegada di e ambulans

nan a haya e victima herida limpi caba y como cu no tabata nada grave nan a control'e na e sitio mes y no tabata necesario pa ambulans hib'e hospital.

